





第四五八冊

四庫全書

● 上海古籍出版社

本冊目次

中州人物考	一
東林列傳	一七三
東林列傳卷末	一七三
儒林宗派	五一九
明儒言行錄	五一九
明儒言行錄續編	五一九

清孫奇逢撰	一
清陳鼎撰	一七三
清萬斯同撰	五一九
清沈佳撰	五一九

欽定四庫全書

史部
中州人物考卷一

欽定四庫全書

史部七

中州人物考

傳記類三 總錄之屬

提要

臣等謹案中州人物考八卷

國朝孫奇逢撰奇逢字啟泰一字鍾元容城人

前明萬厯庚子舉人入

國朝年八十餘乃卒是編乃其移居河南蘇門

山時所作備載中州人物分為七科一理學

欽定四庫全書

中州人物考
提要

二經濟三忠節四清直五方正六武功七隱

逸而文士不與焉蓋意在熙華藻勵實行也

所錄皆明人惟忠節之末附元蔡子英一人

人名為傳贊多者連數紙少或僅一行云無

徵者則不詳不以詳略為褒貶也後一卷曰

補遺曰續補不復以七科標目蓋不欲入之

七科中故托詞于補續云爾然猶與七科一

例雖布衣亦以公稱最後有名無傳者三十

詳校官編修臣裴謙

刑部郎中臣許兆椿覆勘

總校官進士臣繆瑛

校對官中書臣李棻

謄錄監生臣官懋斌

四人則直書其名矣其贊恕于常人而責備于賢者頗為不苟惟張王傳贊最為紕繆考王以元樞密知院叛而歸明而奇逢以為善擇主是唐六臣奉璽歸梁皆善擇主也王後輔佐燕王稱兵犯順歿于鐵鉉濟南之戰而奇逢以為得死所是李日月助李希烈隕身鋒鏑亦得死所也且蔡子英哉不忘元間闕出塞卒歸故主奇逢既列之忠節而復獎王

欽定四庫全書

中州人物考

二

之叛亂不自相矛盾乎至薛瑄本河津人李夢陽本慶陽人幸合歸之中州又其末節矣奇逢雖以布衣終而當時實負重望湯斌至北面稱弟子其所論著頗為世所傳誦非他郡邑傳記無足輕重者比故存其書而具論之俾讀是編者知其瑕瑜不相掩焉乾隆四十三年六月恭校上

總裁官臣紀昀臣陸錫熊臣孫士毅

欽定四庫全書

中州人物考

三

理學

曹靖脩端

瑞字正失灑也人永樂戊子舉子鄉學者稱為月川先生天資穎異造詣淵實教人務躬行實踐日事著述寒暑不輟坐下足兩磚處皆穿其專靜如此事父母最孝及遭喪五味不入口寢苦枕塊始終不易既塋廬墓六

欽定四庫全書

中州人物考

年不用浮屠巫覡嘗詣縣上書請毀淫祀年荒勸賑存活甚眾父好善信佛及聞端言聖賢之道即從之于是作夜行燭一書與父誦之其言曰佛氏以空為性非天命之性人受之中老子以虛為道非率性之道人由之路其言甚精為霍州學正十餘年士子皆服從其教郡人亦皆薰陶而化方岳重職不敢以屬禮待至其郡必敬謁之凡考校諸庠生必請端主其去取後以憂去起復改蒲州學正再踰年端考績京師蒲諸生走詣關爭

留上以霍疏先上得允又六年竟終于霍一郡人罷市巷哭童子亦悲泣其德化感人如此後謚靖脩有四書詳說太極圖通書西銘釋文孝經述解性理文集儒家宗統譜家規輯畧存疑錄等書薛文清贊曰質純氣清理明心定篤信好古距邪闢正有德有言以淑後人美哉君子光輝日新正德中太司馬彭澤稱端為本朝理學之冠又舉從祀孔子廟庭

欽定四庫全書

中州人物考

野史氏曰月川倡理學于永宣之際以太極為立本而求至乎聖人之道以參天地惟此心而謂心非血氣兩言者濂洛遺旨也或但稱實學而不察其宗要亦未為定論嘗取濂溪作拙賦以見意因以拙巢名其讀書之室薛文清為之記新安孟化鯉又為月川祠記文集散失今止得其太極圖說解序可見其大端矣

薛文清瑄

瑄字德溫號敬軒原籍山西河津人祖仲義通經史值

欽定四庫全書

中州人物考

三

元亂教授鄉里不求仕進父貞洪武初領鄉薦為真定元氏教諭尋改鄆陵母齊氏憂紫衣人謁見而生瑄初誕肌膚如水晶瓶五臟皆見家人怪之欲不舉祖聞其啼聲曰非常兒也乃舉育之自幼書史過目輒成誦端重不為兒嬉年十二時元儒魏范諸公以御史謫戍父延與講論經史名理退謂人曰聖門有人矣結為小友不敢以師自居瑄自是厭科舉之學慨然有求道志精思力踐動必質諸書一有不合終夜反側不寐永樂已亥從父司教鄆陵時例乏科貢職教者充戍父慮之強瑄應河內鄉試遂中永樂庚子第一明年辛丑登進士第學士楊文貞士奇欲館之訓諸子瑄固辭居父喪服闋願就教職會宣廟恩得良憲臣振勵風紀選擢雲南道御史出監湖廣銀場一日時相三楊欲識其面令人要之晤瑄辭云職在糾劾無相見禮三楊嗟嘆焉手錄性理大全晨夜誦讀潛思密玩值雪盈尺不輟有得秉燭疾書或通宵不寐正統改元初設提學憲臣吏部尚

欽定四庫全書

中州人物考

四

書郭公璉薦瑄提學山東瑄欣然就之曰此吾事也首以朱子白鹿洞學規開示學者每誨育生徒先力行而後文藝隨其才器成就之諸生感慕呼曰薛夫子時中官王振用事問三楊吾鄉誰可大用者皆薦瑄因召為大理寺右少卿尋轉左三楊以用瑄出振意欲瑄一見振瑄正色曰安有受爵公朝拜官私門耶一日會議東閣公卿見振皆拜一人獨立知為瑄也振連揖之自是銜瑄矣會有指揮某死振姪玉山欲娶其妾其妻不可妄因誣妻毒殺其夫都察院問已誣服瑄為辨寃駁還至三都御史王文大怒承振風旨劾瑄受賄出人死請廷鞫振曰是固應死詔縛詣市殺之門人皆奔走哭瑄神色自若曰辯寃死亦何愧乎持周易讀不輟瑄將刑振有老僕大哭厨下振問之對曰聞今日薛夫子將刑故也振聞而意解有兵部侍郎王偉申救遂免瑄家居六年造詣益邃江陝弟子來學者百餘人洛陽閻禹錫徒步來學及別瑄送至里門告之曰以居敬窮理為要

正統乙巳以給事程信等薦起為大理寺丞景泰初懇乞致仕學士江淵疏留之明年陞南京大理寺卿守備中官興安袁誠時無抗禮者瑄至安謂人曰此與王振作對頭者何可屈即午節饋扇瑄曰此朝廷禮不敢受又中官金英過南京公卿俱餞江上瑄獨不往英至京言于衆曰南京好官惟薛瑄耳御史劉孜薦瑄釋學劄躬進無所求退無所累君子之儒不宜閒遠乞召供館閣之職上曰內閣本朕簡任非人所得薦不允壬申秋

欽定四庫全書

卷一
中州人物考

五

召至京復為大理寺卿是歲年近七十復乞致仕不允英廟復位以禮部右侍郎兼翰林院學士入內閣一日召入便殿上方燕服瑄不入俟上易服乃見時有矜迎復功者瑄曰許魯齋不陳伐宋謀凡事取必于智而不循天理之正非聖賢之學也尋命主考會試錄首序以正學復性為言或請易曰平生所學惟此事竣轉左侍郎曹石用事遂引疾致仕石亨來視疾曰先生既不留願為先生請勅即家塾敷教且有以資養瑄曰昔許魯

齋去元世祖賜勅書為教魯齋懸之屋梁終不以示人若資其養曷若不辭官即享嘆息而去居家八年四方學者從遊甚衆瑄隨其所寓圖書歲規所在左右手不釋卷凡辭受取與必揆諸義一毫不苟晚年玩心高明默契其妙有不言而悟者嘗為詩曰七十六年無一事此心惟覺性天通所著讀書錄行于世河汾集藏于家忽遭疾衣冠危坐而逝時風雷大作白氣上升天順甲申六月十五日也年七十有六贈禮部尚書諡文清成

欽定四庫全書

卷一
中州人物考

六

化間國子監丞李紳弘治間兵科張九功俱請從祀隆慶辛未允議從祀孔廟

野史氏曰文清之學端亮嚴峻俗士不敢入邪說不得亂居然一代之宗

閻御史禹錫

禹錫字子與洛陽人負氣自許不肯脂韋世俗亦不事邊幅與物無忤童時穎敏讀書日記萬言長博極羣書純孝九歲時哭其父幾至滅性正統甲子年十九舉于

欽定四庫全書

卷一百一十五

七

鄉明年授昌黎訓導丙寅以母喪徒步歸廬于墓終制有強暴見化白蟻出集之應有司以聞詔旌其閭既而聞河汾薛文清瑄講明濂洛關閩學遂謝舉業去洛從之遊得其大指而歸以考功員外郎紀振薦為開州訓導遂以其所得為教四方從者日衆學舍幾不能容州之民無少長皆化之曰無取閻先生所刺也稍涉不義即相誠曰毋令閻先生知之正身飭行望者消釋人以比司馬端明之在洛云天順丁丑時李賢王翱姚夔相

繼薦為國子學正尋陞監丞諸生之事干謁者悉不得行不遂者或以賈怨癸未謫徽州府經歷諸生詣闕奏留者至再甲申陞南京國子監助教復轉監丞掌京衛武學事世祿子弟悉知讀書由禮登科甲者相望而中外擁貂握虎符號為儒將者亦多出其門四典文衡尤號得人久之聲望愈隆超拜御史提督畿內學校高錫慨然有造就人才之志勵名節敦士風抑詞章之習明本原之學取周子太極圖通書為士子講明之一時

欽定四庫全書

卷一百一十五

八

人士皆粗知性理又疏場屋數十弊陳之皆賜施行時論稱快焉世方仰其有為成化甲申無疾正衣冠而逝公卿大臣多惜之士子如失所怙恃宦遊三十年清苦蕭索如吳隱之每去任囊無一錢如劉寵死之日家計如黔婁其文武門人及故屬吏相與賻而殯之所著述甚富有自信集晦菴要語二程全集薛文清公讀書錄河汾詩文司馬法吳子註解孫子選註武學詞範行于世

野史氏曰邇來學人有言許平仲其宋之朱元晦乎薛文清其今之許平仲乎公從遊文清之門而正身飭行明習本原之學俾一時人士粗知性理此其所得之大旨可知已

白太僕良輔

良輔字堯佐洛陽人喜讀性理諸書景泰二年進士初請業河東薛瑄瑄不許良輔乃置十脰肉為贄跪于門日昃不返肉色變而良輔貌愈恭瑄以其誠遂延置第

子之列居歲餘卒受其業歸拜監察御史按治晉陽秦中俱有名迹遷太僕寺丞尋轉卿大順中卒于家所著有太極解律呂新書釋義中庸膚見若干卷當疾革以書授畢亨亨傳于洛其後言性學者多宗白氏

方教諭泰

泰字時盛新安人舉于鄉任邢臺縣教諭少讀書即知句道及長教授生徒喻以中庸與旨慕薛文清瑄之為人著續讀書錄三卷鄭瑾輩皆以理學出其門

欽定四庫全書

中州人物考
卷一

許莊敏誥

誥字廷綸靈寶人裏毅公進次子生而岐嶷不羣十歲能屬文弘治乙卯與弟讚同舉于鄉已未成進士授戶科給事中奉命清理延綏倉場有苗中官者督三邊倉縱罔法誥即劾其狀邊人懷之正德初以舊德遣老起父進為大司馬誥例宜避言路改翰林院檢討逆瑾欲納交誥與之絕瑾大怒矯詔黜進籍罰邊儲三百石寬誥廣西全州判官欲置之死歷險冒瘴與魑魅伍挺挺

無戚容會奔父喪服除即絕意仕宦遊覽潛脩受徒講

道若將終身焉久之當路交薦以誥探賸研微見道淵

邃可備顧問時有詔守正不阿為逆瑾所斥者錄之起

誥為尚寶丞復疏病還里居十餘年世廟改元復起南

京通政司叅議時講學者北稱函谷南稱陽明誥入南

都成就席問難輔臣薦誥宜充經幄改侍講學士為經

筵講官上緝熙聖學四事一曰則圖書以明道原二曰

主聖經以求道是三曰辯諸儒以祛道惑四曰屏雜說

欽定四庫全書

中州人物考
卷一

以防道害其于進講多所剴切古昔興衰治忽之際如

指諸掌帝皆虛懷聽納益加眷注尋擢太常卿掌國子

監祭酒事誥獎風節抑華競以經世為士筌尊德為學

軌人士翕然化之太學生有還方旅觀者幾三十人誥

購地塋之復賑衣食不給者數十人奏罷教職不稱者

二人及劾勛戚習禮不律者一時咸均肅然先是文殿

左室列三教之師像帝欲從古易以木主誥以所著道

統書上之帝悅即撤其舊像立皇帝王師八主南向周

欽定四庫全書

中州人備考

卷一

孔二主東西向命輔臣與誥九人瞻拜主前面諭之曰朕奉先聖先師于此庶幾敬慕以遜志于學卿等其罔朕棄誥衍喜怒哀樂章入講帝謂誥欲以一人之情通天下之情所言良是尋擢吏部右侍郎時天下入計誥門戶清肅人弗有私謁者乃具奏以戒諸司帝從之復上疏乞休帝不允擢南京戶部尚書倉場經費多所裁省復上疏乞休帝以留都國計非誥不可不允會將入朝疾作卒年六十四贈太子太保諡莊敏學者稱為孟

欽定四庫全書

中州人備考

卷一

谷先生誥天性孝友仁厚敦重人倫以身率世不數數于人惟以踐諸實行達之世務為學嘗曰聖賢所傳心法六籍所遺訓典要在用世緩人耳苟無益于時文將奚為所著有綱目前編圖書管見道統源流詩考易叅春秋易見中庸本義太極論性學篇等書儀封王廷相論曰莊敏論太極曰氣理兼備不涉于無無論性曰理氣渾全本無支離俱不可專以理言卓乎命世之見矣

野史氏曰莊敏公立朝風裁難進易退便是聖門家

欽定四庫全書

中州人備考

卷一

法至其所學以踐諸實行達之世務為主尤為緊切真是有體有用余嘗謂學有共解有獨解言前人之言行前人之行衆聞而安之耳目不驚此共解也言前人之所未言行前人之所未行羣起而攻之翻駁成案此獨解也獨解非深造自得獨開心靈未易言函谷與陽明並峙南北而陽明以紫陽忠臣犯大難公又欲問宋儒除去形氣要那神與性理何處安頓斯言出其不為曲儒之訾議也者幾希

何文定瑋

瑋字粹夫河內人弘治辛酉鄉試第一壬戌進士由庶吉士歷官禮部侍郎贈禮部尚書諡文定學者稱為柏齋先生生而端凝不事嬉戲人謂為癡兒七歲時入郡城見家有彌勒佛塑像乃抗言請去之人皆大駭十九以聖賢之學自勵嘗聞許文正薛文清一言一行或得其遺書則欣然忘寢食官庶吉士閣試克已復禮為仁論有曰仁者人也禮則人之元氣而已則見侵于風寒

暑滿者也人能無為邪氣所勝則元氣復元氣復而其
人成矣識者謂與伊川顏子所好何學論同逆瑾煽虐
一日贈川扇于諸翰林有入而跪見者塘獨長揖瑾怒
不以贈受贈者復跪謝塘正色曰何跪而又跪也瑾大
怒詰其姓名前對曰脩撰何塘知必不為瑾所容乃累
疏致仕後瑾誅復原職以經筵觸犯忌諱謫同知開州
脩黃陵崗堤岸成晉東昌府同知即乞歸肅王嗣位起
提學山西以父憂不果再起提學浙江敦本尚實士風

欽定四庫全書

卷一
中州人物考

丕變未幾晉南京太常少卿與湛甘泉郭春東脩明古
大學之法學者翕然宗之歷工戶禮三部侍郎晉堂南
京都察院事竟不就是時南有王姚江北有許函谷皆
以道學名于時塘獨默如日事二親供菽水率子姪後
進以脩孝弟忠信非義一介必嚴而執親喪皆哀毀瀕
死數四若不能更生門人請梓文錄曰聖賢之道昭在
六籍如日星後學愧不能知而行之自宋以來儒者之
論方苦太多此吾之所懼也家居十餘年薦二十餘疏

嘉靖二十二年九月二十六日夜半有星隕于郡城西
流光如晝是夜疾革年七十歲有栢齋集十二卷行于
世

野史氏曰公生平不屈逆瑾進退有道以德行自負
耻列文學科其詩不必法唐文不必法漢議論彷彿
宋儒殆庶幾乎躬行君子也不事著述且不欲梓其
文錄謂自宋以來儒者之論方苦太多吾之所深懼
也斯真見道之言與說者謂當以顏閔無所著作想

欽定四庫全書

卷一
中州人物考

十四

像先王闡然自脩絕去表暴為名之意此近裏著已
之儒也

周御史道

道字大經號竹溪懷慶衛人師事何文定以嘉靖丙戌
進士擢御史巡按宣大時大同逆璫成擒人情洶沸道
請戮元惡餘罔治軍民帖然肖其像于太平樓祀之駕
南狩選科四人扈從道與焉途次劾大將軍等甚為璫
人所擠

婁知縣樞

樞字子靖號穀原懷慶衛人師事何文定嘉靖乙酉領鄉薦會朝紳議禮各樹幟不相下又議王陽明之學且為洛蜀黨樞著克伐怨欲四章為陸司成林少司成心折及授廣宗令劉撫軍籍民樞謂授民上鄉兵議劉面從實心銜之適樊直指問安民去貪之畧樞應以所令勿反所好作去甚論刺之樊大恨以事褫廣宗民肖像祀之

欽定四庫全書

中州人物考

五

劉副使涇

涇字次山懷慶衛人嘉靖丁未進士由庶吉士改御史授太守歷鳳翔登州兩郡歷官憲副文定門人嘗刻其集能倡明師說于先生之學可稱入室

野史氏曰周婁劉三君生同地學同師其實心任事亦同也文定學以躬行為主三君子可謂能守師說

王布政尚綱

尚綱字錦夫鄆縣人生而穎異五歲讀孝經七歲日記數

百言或謂曰子後當及第乃應之曰讀書寧止為榮進

已耶自童穉時已立志為聖賢之學比長盡通五經諸子尤邃于三禮年十八以儒士舉于鄉壬戌成進士授兵曹有賢名調吏部歷稽勲驗封兩司值尚書張綵依阿逆瑾勢焰薰灼每有私屬輒以正對且反覆理諭綵不堪甚銜之不閱月緣坐瑾黨伏誅還菴楊公為尚書綱議論亦多不合遂乞補外出為山西叅政疏請侍養家居十九年樂道安貧養親教子于蒼山谷中簞讀書

欽定四庫全書

中州人物考

十六

臺養粹迎虛隨意所適起四川叅政不赴再起陝西以母命就道時陝西值邊警還菴自家宰歸即復起為總制三邊見綱喜曰吾今日乃知王錦夫也即以兵柄付之不閱月奏捷還菴特疏以薦未幾聞母喪奔歸起復適歲大饑奏救荒十三事復除山西叅政還浙江右布政使巡按御史李倌以不行啓折之禮妄撫論列綱曰御史為朝廷耳目之官乃怙勢凌人尚可仕乎遂棄官歸吏部奏李倌職在激揚論事不實王尚綱宜照舊供

職乃復移檄起綱于家督促再三次年始入浙卒于官
所著有蒼谷集十二卷行于世學者稱為蒼谷先生武
進薛應旂曰蒼谷文追秦漢詩逼蘓李一時藝林咸稱
作者然實非先生之所尚也先生平生每右兩程而左
三蘓崇理學而鄙詞翰使假之以年當必有繼往聖而
開來學者而世顧以功名事業期之又豈足以知先生
哉

野史氏曰當時推理學者必以公與何文定為首稱
欽定四庫全書

中州人物考
卷一

文

謂王浚川李空同何大復孟有涯諸公乃文章氣節
之士夫文章何妨于理學而理學不專在文章如耽
于文章則一文章士而已矣節義何妨于理學而理
學亦不專在節義如耽于節義則亦一節義士而已
矣公生平立節固其所長而文章非其所短終不肯
以一節著者則學問之所得深矣知廉勇藝而文之
以禮樂到文之之時豈復有知廉勇藝之可名夫子
所云禮樂即夫子所云好學歟

崔文敏銑

銑字子鍾一字仲鳧安陽人也父陞參政廉謹有聞母
李淑人之娠也芝產門闥及月夢蛟龍寤而生銑啼聲
洪亮風骨岐嶷見者異之十歲從父延安授四書毛詩
明年從諸儒官講太極圖通周易弘治十一年舉于鄉
入太學與三原秦偉馬理高陵呂柟榆次寇天叙林慮
馬卿同邑張士隆相友約明經脩行母慕高虛毋泥訓
詰其志毅然以洙泗為師十八年舉進士改庶吉士正
欽定四庫全書

中州人物考
卷一

十八

德二年授翰林編脩預校敬皇實錄三年會試為同考
牽執欲私其子以托銑銑不可宰執惡之會逆瑾竊政
銑見瑾又不屈瑾怒謂其黨吏部尚書張蔭曰翰林白
面後生輕薄如崔銑尤甚欲重罪之蔭不可是歲實錄
成瑾偽傳上旨詞臣未練政體各加俸一級調郡屬州
縣銑改南京吏部主事五年瑾誅召還史職踰年會試
再為同考時輔臣治文藝銑上書勸以及時悟主薦賢
救民理財強兵無事瑣末懇懇千萬言九年掌廷試卷

欽定四庫全書

中州人物考

九

充經筵展書會講官有他故即代之明年御史王廷相下獄瀕死亟詣執政力救出之十一年經筵講說命啟上以擇相輔德納誨去讒頑戒逸豫時權倖錢寧廖鵬在側大衛之冬歷三考轉侍讀十二年春罷經筵引疾求去不許二月復為會試同考事竣懇請而歸是年作後渠書屋董耕授徒剛定二程遺書作即志未幾罹母艱三年食粗異寢嘉靖即位輔臣諫官交薦起脩武廟實錄兼侍經筵進講論語開陳治本啟沃懇切擢南京國子祭酒諸生相顧曰吾輩得師矣銑開誠心崇正義明條教嚴祀事正文體獎雋彥警輕惰戒游戲清廩餼革蠹耗日衣冠坐東堂諸生朝夕問難銑響答不倦周貧佚老問疾賻喪士林大悅三年議大禮銑抗疏勸上勤聖學辯忠邪以回天變自分必被逮已而報休銑曰天恩蕩覆見老親幸矣諸生愕然如失怙恃設帳為文贈曰忠孝兩全出處守正銑行不役一夫囊中無江南一物惟攜古書數篋耳公卿及諸生送者千餘人從而渡江者又千餘人羣拜潛然淚下銑乘醉登舟歌曰故園菽水知堪養捷徑南山保未曾歸見父母愉愉如也日讀書洵上折衷羣言明年喪內不復娶四方學者雲集銑教以研經飭行曰道在五倫學在治心功在慎獨論學曰古之好異者以明志今之好異者以昧心夫正物之謂格至理之謂物今之異言也然則心當何功而至善有別名乎聖賢之道如日月五星然輒求異而不求其所循與否祇以抗名華世而已非昧其心與孟子

欽定四庫全書

中州人物考

十

曰良知良能心之用也愛敬性之實也本諸天故曰良今取以證其異則良能而不挈非霸儒與論讀書曰讀經見諸行事因事驗其經旨是故卒至不駭可以即變矣適言不狎可以出令矣小物克慎可以舉大矣僕婢服義可以使民矣日誦六經不力行則得其字爾五年罹父艱哀毀更甚既禫著松憲寤言中庸凡演大學全文又著士翼政議中說考文苑春秋十八年春立皇太子慎選宮寮起銑詹事府少詹事兼翰林院侍講學

士尋進南京禮部右侍郎署戶部篆清耗釐弊無何入賀聖壽聖節部例公廩悉拒不受時有風霾之變銑自劾溫旨慰留久過家疾作杜門調攝著讀易餘言已病劇不克南行議乞休未果遂卒年六十四贈禮部尚書諡文敏

野史氏曰文敏端嚴抗輿言動有矩無世俗依阿態人擬之程正叔余過澄水張湛虛司馬亟稱其人與學余讀其集簡勁峭直意之所是不以人毀之而沮

欽定四庫全書

中州人物考

三

意之所非不以人譽之而寬殆所謂獨立不懼獨行不搖者與夫子不得中行而思狂狷正為其不隨流俗而孤行一意文敏其聖門之狂狷乎陸王學術具在天下後世文敏詆其為偽儒為霸儒不肯一語數同不無已甚然亦各就所見而駁之于異處正好着眼第看果謬于聖人否殊不向毀譽場中定品格也

王肅敏廷相

廷相字子衡儀封人生而穎異十三歲補邑庠即以能

古文詩賦名弘治壬戌登進士由庶吉士授兵科給事中官京師與大梁李夢陽信陽何景明武功康海東吳徐縉郭杜王九思以古文相倡廷相尤究心國朝典章時政機宜聖學矩矱謫毫州判識薛蕙于稠人中親授以成其學尋知高淳賜環晉御史按陝西時權閣廖鐘出鎮股削無度廷相嚴禁裁抑之先是廷相督學北畿有權閣三王二劉者以賂干廷相引使者于庭焚其書至是鐘誣奏王劉協力相構逮繫詔獄舉朝九卿及科

欽定四庫全書

中州人物考

三

道皆抗章論救已謫贛榆縣丞尋歷提學四川山東三督學政皆正學術嚴考校在蜀會何景明督學關陝共約為條教行之至今教人養士之道尚遵為成規晉湖廣按察使數決疑獄平李見鬼亂以山東布政居母憂著喪禮備纂成巡撫四川夷沙保向信猖獗三巴震撼廷相悉勦平晉兵部侍郎督脩邊工清查騰驤邊腹宮府賴之晉南兵部尚書謂祖宗根本重地守備重權不宜久屬魏國專司請如各處文武官推代上嘉納之更